



古學先生詩集

全策

16
1614
4



和16
1614
4正



古學先生詩集序



詩之為道天動神解出於
情添弗由人造故不以格
律被裁為貴惟求直吐胸
懷實寫景象婦人小子皆

古學先生詩集

序

一

古義堂藏



古學先生言集 序
一
曉所謂者然後為詩蓋景
物時新人情隨變景情遭
遇胸懷動發而清篇奇句
華下競出是乃詩之古者
也末世風貌館釘攢簇剽

賊模擬徒求格律體裁而
反拾古人淺唾者譬諸扮
戲之做英雄以云為木偶
之假線索以舉動者豈詩
之真者乎吾仁齋先生專

講聖經始用古學故其詩
古古雖不端之于文詞聲
律之間出於性情不須割
強自醞藉典則時有造詣
不詩之古者乎故讀其詩


則如面其人其為人之耽
於學問而無外求安於貧
賤而忘塵榮交接朋友切
切如憇之如和柔可掬誘
掖後進循々然知々然誠

實自溢性質之美操履之
正所以合轍古人而迥別
於近代之學者不待家牒
碑誌而得詳悉於此孟子
曰頌其詩讀其書不知其

人可乎古之為詩也可知
矣

享保初元八月日

北可昌謹識





Faint bleed-through text from the reverse side of the page, including characters like '入會' and '可'.

古學先生詩集目錄

卷之一

五言律詩 共五十五首

五言古詩 共四首

七言律詩 共八十三首

卷之二

五言絕句 共六首

七言絕句 共二百五十三首

古學先生詩集目錄

五言律詩 卷之二

卷之二

五言古詩 卷之二

五言古詩 卷之二

五言古詩 卷之二

卷之二

古學先生詩集目錄畢

古學先生詩集卷之一

于長胤 編輯



五言律詩

園城寺絕頂

山行六七里。往到杳冥中。船遠閒閒去。天長漠漠空。嶺環邨落北。湖際寺門東。男子莫空歎。請看神禹功。

湖水

古來云此水。一夜作平湖。俗說尤尤一作最難信。世傳詎亦迂。百川流不已。萬谷滿相扶。天下滔滔者。應憐異。

教趨

元旦

慶安二年

正履三春肇。實為一歲魁。小旛剪綵畢。新帖寫詩來。山崕紅霞麗。園林黃鳥催。家家相饋貺。蘆服玉盤堆。

元旦

辛卯歲

周文嘗受命。至德正如天。紅日園光麗。暖風柳色鮮。身經三世盛。耳聽四君賢。五十餘年澤。元元自秩然。

端午

應憐荆楚俗。千載尚相傳。角黍蒸香稻。蘭湯煎玉泉。榴花將結子。荷葉已浮錢。莫冒違佳節。遊期又一年。

與諸友遊賀茂得薰字

遊歷叢祠下。長吟日未曛。酒攜新釀至。題取古詩分。細雨林偏淨。斜風艸自薰。夏添廟前水。應是北山雲。

送大須賀宗節之武城

一日河橋別。十年風雨淋。論文每相信。酌酒許先嘗。枝短新楊柳。翎長小鳳凰。顧君餘弱冠。功課惜年光。

偶懷二首

窻隙遞明闇。歲華一擲梭。遊程知幾許。世態又如何。寫字豈求好。作詩常不多。幽人日無事。每按採薇歌。十年無實學。到此覓真源。靜夜長安坐。清晨自掃軒。

斯文未委地。何日正逢原。閩洛有君子。空玄不足論。

立春 壬辰歲

書堂纔方丈。門巷列城隈。心上乾坤大。眼中歲月回。應憐庭上艸。剩得臘前梅。一夜空階雨。早知花先開。

步月

物理無窮盡。矯初作頭萬象森。空開桑戶口。誰聽伯牙琴。千古一團月。三秋數夜心。蟲鳴風正冷。此意更沈沈。

初春雨

細細窻前雨。無聲幽意濃。唯喜花先笑。未識雪俱融。

一徑竹梢秀。四山木葉空。平生吾有志。擬築雒城東。

即興

焰焰孤燈影。寥寥艸閣中。川鳴知夜靜。氣冷識天空。持志藉書力。消憂依酒功。儒生貧亦好。幸得道心濃。

又

獨坐小樓上。燈光淡又濃。是時慮俱盡。平日計總空。巖子離羣士。淵明避俗翁。高風凜如見。月白一川風。

除夕

殘臆忽將盡。仰觀斗漸東。庭梅春信近。階艸歲花空。誰使人心急。既看和氣濃。一家相集飲。不欲赴阿戎。

喜聞小弟既到江城

季弟猶總角。為能忍別離。嘗憐孔融慧。偏愛謝兒奇。
日暮江城路。寒雲渭水涯。定知夜牕下。屈指數歸期。

遊東山

二月芳時過。強遊雒水東。風輕曾點服。酒熟少陵筒。
深樹寺遙見。落花徑叵通。眼前春欲老。莫惜野盃空。

患瘧

患瘧二十日。形容似別人。力持良背法。屢檢養生論。
秋入松窗秀。風吹竹圃頻。平生邵康節。臥病喜賓臻。

病中即事

秋日照東房。曳筇入小莊。朝風吹我髮。夕露溼吾裳。
花落豆生莢。秧長稻作芒。引溝供灌溉。恰似繞回塘。

送太宰道室聞親病歸省

吾道無多子。欲勤孝與忠。觀君交友信。識爾愛親濃。
千里伊陽路。三春京洛風。庶幾郎罷健。歸去近同窓。

宇治舟中即事

早行殘月在。數里聽雞聲。日上林梢見。天晴山色明。
春舟傍岸去。野約絕流橫。吟裏望還斷。煙霞鎖帝城。

中秋月

長安萬戶月。共此中秋晴。盃酒三更後。清談一夜情。

煌煌黃道近。的的紫街平。遙想蘇臺上。桂光千里明。

題菊亭藤公所藏怪石筆架

延寶丙辰冬

洛汭產奇石。白章交綠紋。崔嵬纔起嶺。霍霽欲生雲。不待施彫琢。那須弄斧斤。每為文陣援。幸莫忘渠勳。

東山卽事

不踏東山路。于今既四年。邨園新物色。艸木舊山川。廢學多忘字。苦吟未竟篇。脾神近為祟。又怯酒醺然。

前為母服期。喪既除。又遭父喪。故曰于今既四年。又因痼疾。久廢孟酒。

送林宗孝之武城

理欲本難察。毫釐分。此行寧辭遠。他日豈遺憂。

辛苦仲由米。光榮曾子糲。秋山白雲外。幾度更回頭。

九月十三夜

古來諺云爾。九月十三晴。一夜共看處。千家同愛情。雲遮廣寒殿。霜滿洛陽城。莫恨多霑雨。今宵幸得明。

題外舅瀨崎豈哲園

方園寬十丈。畚礫剗榛荆。鋤畝自澆菜。編籬且挿檉。市遙酒難貴。境寂夢稍驚。倚柱悠然坐。幽禽時一聲。

游高雄

欲上空王殿。遠窮溪水源。秋風黃葉寺。細雨綠花邨。山徑龍蛇走。木根虎豹蹲。夕陽吟不盡。莫負擔頭樽。

世學先生詩集 卷之一 五 古義堂藏

秋日即興

西蜀子雲宅。艸荒屋欲傾。淒淒秋樹色。唧唧夜蟲聲。
殘暑雨中退。微涼風外生。此間有真味。未稱世人情。

十二月廿三日。初訪有馬存菴老人幽居。

廢錮玉川子。煎茶洛水濱。不看黃雀侶。自與白鷗親。
坎軻落吾輩。風流無古人。不尤來訪。勉嘗識我情真。

嗟峨途中

十里嗟峨路。往還天欲昏。鐘聲雲外寺。樹色雨餘村。
自曳孤筇竹。所攜唯酒樽。阿宜與通子。雙立候柴門。

贈山口丈人

矍鑠將家種。猶看古老風。談兵不知倦。尊道自忘窮。
庭小孤松偃。壁圍細蘚濃。平生喜賓客。殺核罄歡悰。

難波橋上眺望
橋上幾千尺。登覽意豁哉。河排城闕入。天向海門開。

水闊波還細。岍遙初作家自迴。憧憧初作來往者。誰

是濟川才。

題雲山圖

掃破鵝溪素。近山兼遠巔。濃中翻歛墨。淡處足湘煙。
畫者何名姓。傳來又初作復。幾年坐間遊。歷盡不倩與人肩。

古學先生詩集 卷之一 五 古義堂藏

遊鷹嶺蕉園別業

去城一里許。杖履上峻嶒。橋斷蹶溪到。徑危牽荔登。松間數椽屋。門外一條藤。賓主皆儒雅。題詩索刻藤。原芸菴招諸友遊二條藤丞相別墅

丞相菟裘在。鳴瀧巖窟間。行行好詩出。面面畫圖斑。含蓄園中樹。精神雨後山。安排自然好。萬古不須刪。

仲春偶書

自筆帖
作書懷

今茲二月半。氣候似清明。僮徹煖爐去。妻裁春服成。堂堂花作陣。整整艸披荆。只恐年光迅。風前看墜英。九月九日遊知還堂

愛汝山堂好。幅巾曾屢尋。邨人多識面。巖樹已關心。香叢生簷下。異禽馴砌陰。登高豪氣發。詩就酒頻斟。

蕉園主人招諸友遊北野聊賦短述以呈主人

北野秋云暮。西山雨已收。霜楓紅欲上。剋柳綠猶留。為設盃中物。又羅盤裏羞。不從卓家女。換我紫貂裘。

癸酉正月二日作

家本十餘口。既無尺寸田。幸逢太平日。自免米鹽蠲。道以唐虞準。學從鄒魯傳。眼前兒女侍。萬事醉陶然。新年作

平生不善飲。一盞卽醺然。無事樂書字。愜情聊作篇。

古詩集卷之二

簡編十餘篋。茅屋四三椽。近歲增多口。是非換聖賢。

將赴鷹峰途中作

欲尋張氏宅。步履度林丘。仰首將亭午。轉頭已暮秋。絃歌讓年少。詩酒屬吾儔。何必北山北。出門即是遊。

水口旅館

出洛十餘里。雁魚日往來。喜聞兒女健。應待老夫回。喬水夾官道。亂流入小隈。今朝故園菊。幾箇雨中開。

悼山口野哉翁

憐汝將家胃。清時長廢居。諸侯識名久。俗侶締交疎。訃至心如失。契濶情有餘。受知三十載。自恥辱吹噓。

那波祐長宅次韻

丙子三月十四日

爛熳鶯花節。風恬雨霽時。復從佳客後。同和主人詩。石錯有奇態。樹稠無醜枝。杜陵曾有謂。到手莫停卮。

中秋古峰氏宅翫月

丁丑

三秋今夜好。月滿露垂時。階下蟻應數。巢中鵲可窺。睡魔聊作祟。倦鬼既生衰。殘取明年會。儂家好箇詩。偶於兒曹案上。看緒方維文。冬日閒居之作。詩律精嚴。頗可誦。因次其韻。

僑居洛涯口。風流儘可尋。檐高邀月早。徑曲入門深。楷法承顏柳。詞鋒躡宋金。眼矇如隔殼。好句倩人吟。

古詩集卷之二

古學先生詩集 卷之二 古義堂藏

秋日遊小堀君小松谷別業

地名小松谷。平氏舊時阡。近接清閒寺。遠來音羽川。
數椽竹間屋。百畝樹陰田。幽靜宜投老。從君受一廛。
小河成章。小祥陪奠。

張載嫁家侄。遽然棄綉幃。誰人能繼續。吾道失依歸。

細雨梧桐泣。西風宿艸肥。遺言猶在耳。淚盡卜商衣。

題性通和尚坊

近得廬山信。來遊小暑初。溪山迴鬱鬱。樹竹盡如如。
緣愛幽情適。自忘詩律疎。為期佳月夜。攜被宿精廬。
元祿辛巳六月廿日。京師大雷。城內外震。凡二

百許所。踰月人心未安。七月十七日又大雨。

倏然雨聲過。幸足潤乾蕪。稍稍家防水。恂恂人畏雷。
收書調葉葉。添燭愛枚枚。戶外屨相滿。呵童頻取來。
緒方宗哲席上賦。夜雪得雪字。

老識感慨多。況逢歲魁節。功名白雲飛。時月紫電掣。
題詩手欲龜。脫巾頭如鼈。讀書無寸儲。窻前一片雪。
遊紫阜僧房。

寺住都城北。寬閒幾百弓。萬竿密如束。一徑曲相通。
古壁雷名畫。綵樓懸破鐘。遠師大乘士。寬律倒陶翁。

紫阜天瑞寺。豐臣公置。樓上有
一巨鐘。頗損。云是公之舊物。

古義堂藏

七月十一日作

秋暑酷於夏。金行柔未剛。斷虹入雲薄。小雨帶風涼。新茗猶難喫。魚鰕不可藏。命兒揮紈扇。竟日侍吾傍。

聞荒木玄泉暴歿

三十餘年友。一朝蘭乍焚。音容目猶見。警歎耳如聞。秋魁南禪樹。月微東嶺雲。講惟他日淚。定灑六經文。

五言古風

悼伊藤基之

交遊三十年。愈久益知賢。恭儉知初作天性。風流亦自然。霜風悲老樹。夜雨咽寒泉。師友艸菴集。淵源柿本篇。計來心忽悸。寢苦夢難圓。兒姪紹家學。欲求絕筆編。

遊那波氏鷹嶺別業

吾友蕉凶氏。富埒鷗夷子。平生崇儉素。禠身如寒士。性亦好讀書。終日靠棊几。案上春秋經。左右漢晉史。賦詩最敏捷。頃刻連數紙。曾買唐氏山。創堂名知還。

一徑細紆餘。衡茅三四間。松檜轟鬱鬱。箚路煩追攀。
洛城接日睫。衆壑作回環。時時攜吟朋。每隨詩書筵。
今日二月半。折簡促步履。雅談紛湯沸。詩章足盈笈。
席上皆鉅公。著箇頽然翁。訥訥乏文采。漫慕古人風。
聊披魯論篇。爲君苦切劘。忠信與篤敬。書紳以永記。

遊鷹峰蕉園主人別業

心下無憂坐。一日卽萬年。忽赴主人飲。萬慮渾洗滌。
禽鳥哢好音。幽花逞嬋妍。樹竹已識面。青山總近前。
無營富貴計。何羨天上僊。酒不能多嚙。三蕉聊醺然。
詩爲遣懷作。又不必連篇。自由是吾境。何須利名纏。

庚辰中秋夜書事

鄙諺有之云。天道不殺人。連年飢且饑。戶戶聽吟呻。
去歲八月望。颶風暴四方。剋稻殫烏有。米價騰滾湯。
蒼生愈困窮。餓莩往往逢。今秋賴登成。路傍謹呼聲。
禾穀未收穫。猶疑風伯情。今宵三五夜。無風天宇清。
自喜迨遲暮。躬復值泰平。幸與妻子飲。樽酒對月明。

古今詩集卷之二
古學知生詩集卷之二
古學知生詩集卷之二

（Faint bleed-through text from the reverse side of the page, including characters like 蘇物欲勾, 忽看階前, 萱艸苗, 緬懷, 山外杏桃, 新賦詩, 欲滿三千首, 屈指今逾二十春, 我亦與君同甲子, 今朝壽酒先, 誰身, 南禪偶題, 蕭寺門前, 蹤跡少, 柴局日暮, 犬空鳴, 竹風獵獵, 心如, 洗松籟, 錚錚耳暫明, 香積呼童, 烹陽羨, 招提有客酌, 空城千巖, 萬壑總寥落, 不聽人聲, 聽鳥聲）

七言律詩

次韻伊藤正知立春
正知先
生從弟

軒轅鳳曆始開卷。萬象茲昭一作蘇物欲勾。忽看階前

萱艸苗。緬懷山外杏桃新。賦詩欲滿三千首。一作纔
得兩三

屈指今逾二十春。我亦與君同甲子。今朝壽酒先

誰身。

南禪偶題

蕭寺門前蹤跡少。柴局日暮犬空鳴。竹風獵獵心如
洗。松籟錚錚耳暫明。香積呼童烹陽羨。招提有客酌
空城。千巖萬壑總寥落。不聽人聲聽鳥聲。

古今詩集卷之二

古學先生詩集 卷之一 十一 古義堂藏

夜懷

南舍北鄰人寂寂。布衣自樂一書生。牀頭唯有童眠去。門外時聞犬吠聲。茶竈湯殘灰已白。燈盃油盡火猶明。英風妙譽歐蘇在。懶費精神遺姓名。

大井川即事

蕭蕭緩緩亦悠悠。春寺門深事事幽。七八株松煙水外。兩三箇艇暮邨頭。水心灘曲漁空去。汀際畝隈鷗自浮。應是峰頭雪消盡。西川漲落一條流。

詠菊花

繞宅黃花數百莖。茅簷坐久更關情。題詩擬棟韻強

壓酌酒先將味冽傾。砌栽單瓣兼千葉。覺泛三花又五英。閱盡人間閒日月。秋風籬畔伴淵明。

題山水圖

半幅鵝溪萬里天。蒼江翠壁列屏前。數株老樹輕煙外。一片扁舟孤月邊。寒浪遙搖楚山動。長風橫捲越潮還。平生不遂乘桴志。乍對畫圖空悵然。

矢島桂菴挽詞

三年不見張郎面。忽聽歸泉淚濺裙。求祿遠游偏為親。學醫深造獨推君。嘗批漢宋舊新註。手句商周今古文。何處溪山去收骨。空搔短髮武江雲。

古學先生詩集 卷之一 十一 古義堂藏

送田中信菴之藝州省親

故國雲山千萬里。送君遠去拜家翁。三夏歸夢波聲裏。一片孤帆海氣中。近歲功夫程氏學。平生操履馬公風。陽城門下多才俊。許女唯知孝與忠。

梅

蕭散風情似渚宮。古梅寂寞夕陽紅。一枝斜入茅檐角。疎影淺移池水東。羅洞參橫夢初斷。孤山月落興何空。早知開到十分處。自有五更狼藉風。

五英即興

滿庭蓬艾滿庭莓。幽徑花開時自香。自乞菊苗區地。

藝手把梅片上枝。糝一身閒處乾坤闊。萬事休時日月長。因有清風靜來往。門松窻竹便承當。

三月三日偶逢上巳

上一作丁者非

代去魏文知幾歲。嘉辰偶得合遺芳。桃花浪浸青天淨。楊柳風迎紅日涼。姬且逸詩纔得補。右軍舊艸未曾亾。蘭亭諸老何慷慨。古往今來一日長。

丙申歲三月上旬大雪

春來栗烈丙申歲。三月上旬鹽絮漫。艸木千梢同有藥。山川一樣白無痕。夏生浪說範疇學。董子不言災異端。寄語洛陽小兒女。風前莫作落花看。

古學集 卷之一 十四 古義堂藏

送叔舅玄祥之武城

公程期近促裝頻為識此間情更親征馬休嘶士峰
雪輕裘莫點武城塵名聞北路裔夷國行歷東方侯
伯鎮休為世榮久留滯風光易老雒陽春

元日 戊戌歲

送鵬迎春心自寬幽人旋試紫毫端日昇初作窗外

風初作初暖雪盡門前泥未乾龍向地中猶自蟄鵬

衝天際既高搏一年三百六十日都作今朝醉後看

元旦 辛丑歲

好看平且虛明象今日從容全自存著雨翠篁稱意

淨向暄碧艸入吟蕃經綸事業空溫蓄道學工夫費
討論用舍行藏渾忘卻醺然一笑對春罇

示學者二首

燦然滄海珊瑚樹不許採之懸一絲自向心頭覓真

悟莫從紙上騁空知為山更在成峰處培樹須逢結

子時要識孔門舊家法居仁由義是成規

至道難聞如隔膜為君說著轉支離造家自好惡初作

訪匠得病何妨苦問醫滾滾初作大河經路遠蔥

蔥初作巨木作材遲箇中有寶從人取還嘆世間總

不知

閒居口號

洛水東頭洛水濱。柴門淡護絕囂塵。蒼苔滿徑雨痕滑。綠葉映階暮色新。講學自為無事漢。謳歌幸屬大平人。年年認得二三月。楊柳桃花一樣春。

儼舍

儼舍北街寓九硯。書箱杖屨共相隨。竹牀地近寒初溼。侵早茅屋窻低。月到遲。這事不干世間想。是心全付上天知。胸中奇態都融釋。卻怕人呼為伯夷。

學問須從今日始

學問須從今日始。算前顧後莫悠悠。寸苗遂作蒼舍

樹。原水還為灑灑流。知識開時八荒闊。工夫熟處一毛輶。六經元自儂家物。何必區區向外求。

元日憶武城小弟昨得消息

有弟有弟在武城。萬金書至得歡情。鵲鶴原上春風暖。鴻雁陣邊曉色明。卻笑園梅免攀折。手栽花艸漸生成。朝來宴坐倚窻一作靜軒下。憶酌屠蘇先已傾。

元旦癸卯歲

追憶曩時太平象。洛陽風土到今宜。漢家故事流傳久。唐律聲音蹊徑遺。門上桃符擬新換。卷中柏銘要清奇。可怜猶著書生態。又被春風費一詩。

古詩集 卷之一 十一 古義堂

卽興

洛陽風土最奇絕。四面連峰似八閩。內有幽人已遺世。別無俗客似離羣。夜深獨向樓頭月。日暮閒看檻外雲。賴有門前一條水。又流清碧洗塵氛。

和近藤立賢韻

珍重聖門真事業。恰如明月暗投驚。道同滋味嘗愈美。學似還丹煉得成。貪夫曰樂豈誠樂。俗士所榮不是榮。一隅而今為君舉。反來更問作麼生。

田家二首

公家初換新知縣。諭令若金命若懸。郭外一區汚下

宅。溪南十畝墓前田。官來更籍園中橘。吏去難餘筐裏綿。忍餒忍寒今忍愛。侯門賁女納青錢。

牆下種麻牆外棘。街衢不整漫成居。朝朝先卜場并雨。歲歲更脩溝與渠。屢苦富人求舊債。又逢官吏稅新畬。老農能識濟民術。強為兒孫燈下書。

詠古銅錢

篆隸半磨輪郭古。流傳幸是免多艱。忽看上下千年物。深辨縱橫四字間。廉者面前棄如土。癡人屋裏積成山。到今詞客多遺憾。不向公門贖馬班。

元旦感懷

延寶 丁巳

古學先生詩集 卷之一 十七 古義堂藏

千載寥寥洙泗傳。機來蔥嶺為周羅。舊聞勸學蘭陵令。未見知言鄒孟軻。冒雪綠萱芽欲展。出溪黃鳥韻初和。老夫猶有餘年在。無厭切磋兼琢磨。

春日偶興

推枕床頭閒坐久。靜觀物理更無窮。軒窗一夜朦朧月。簾幕三春和暖風。圃裏晚松花未謝。園中細艸葉還濃。長局門戶未嘗出。忘却四山春事終。

歲暮

今朝臘月三十日。誰使人心驚且忙。陶潛歸來自荒徑。杜陵老去只空囊。不憂處世聲名退。自喜觀書日

力強。卻笑疎慵常促迫。剡藤幾歲滿巾箱。

送井上養白赴越州

越州太守賢名久。況是封疆數郡雄。勾踐昔年稱霸地。錢鏐異日勤王功。小冬先著大冬雪。八月初看十月楓。聞道會稽多勝槩。為題新句附飛鴻。

愁

人間何處不相至。日暮燈前最易催。淡似南溟渺無底。堅如泰岳截難摧。雖從潘岳鬢邊見。不向淵明眉上來。近覺翹生功力淺。暫時消卻暫時回。

麗春花為村上元貞賦

麗春花為村上元貞賦

芍藥容姿菡萏面。紅珠白玉自交加。精神應比漢皇妃。國色嘗疑張麗華。直立不須添竹植。風標未到繫鈴奢。養來初識有奇態。一葉變為千葉花。

中秋無月

延寶丁巳

去歲今宵月正晴。今年此夕月無明。人間遊賞恨難繼。金闕佳期虛有名。夏羨夢中生羽翼。安傳天上聽簧笙。清光未必供仙宴。只是頑雲漫自橫。

題水哉閣

延寶丁巳秋

水哉水哉仲尼稱。取水之意太濶。一作濶哉。千古萬古流不已。一作虛悠悠瀉瀉復洄洄。閣中遺老貧能樂。斯

上遊人去又來。置几藏書還蓄酒。時時莊誦且銜一作含杯。

露

晨降宵零浮艸際。溥溥浥浥又灑灑。閒行欲溼雙屐履。破屋易侵方竹牀。一作見風前落成玉還。一作知月裏結為霜。縱然一夜涵苔徑。奈此朝陽赫赫光。
次韻勘解由小路藤公戊午元旦

吟壇巧匠試毫時。唯看郎君新製詩。當夜頻書諫君疏。迎春先奉壽親卮。衣冠流內猶雖少。翰墨場中獨見奇。絃上調高和者寡。陽春一曲愧王維。

遊龍安寺

寺前池面大如湖。曲渚回塘似畫圖。臨水飛軒三四
屋。參雲老木百千株。攜廚人傍池邊樹。將子鳥眠洲
裏蒲。不比尋常好山水。吾知應是一方壺。

送真瀨朴元之武城

穎悟早成十五歲。馬蹄今作遠遊東。後來歲月猶多
富。到處江山足見工。六月雲間士峰雪。三秋叢裏武
江風。歸期有約莫相過。看取隨陽南去鴻。

題山水圖

曾隨船客購佳畫。上有小楷題地名。全蜀水通彭蠡

口。三吳山枕石頭城。唯看終日晴漪靜。靜誤問幾時新
月生。一夜心清長對壁。分明夢裏聽濤聲。

庭前梅花盛開因攜妻孥同飲

南人遠寄白醪酒。賴值庭前梅綻時。舊伴新朋同謝
遣。大兒小女俱相隨。幽香似待孤鶯宿。仙萼無緣俗
客知。野蕪山肴從所有。風流自覺夏清奇。

遊賀茂

由來斯地稱佳境。芒屨竹筇投古祠。乘興更忘六月
暑。適情不覺百年期。家家分派供池水。處處依林當
夏帷。自為湍聲亂人語。朗吟相近誦新詩。

雪夜

雪霽千峰兼萬壑。沈沈燈火獨相親。乍看月色當天白。只聽風聲入夜頻。吟裏還留半樽酒。愁邊欲听一頭巾。不須今夜闔門盡。恐有山陰乘興人。

訪小河氏居

寬閒獨占十餘畝。中有數椽茅屋幽。机上時翻蘇米帖。花間自荷瀟灑。微雲薄靄西峰暮。晴日暖風北埜秋。平地難伸湖海志。請君更起小高樓。

遊蕉窻主人鷹峰別業因次韻主人見寄

翠幙紅氈白玉卮。名花奇石甲當時。溪聲遠近從聽

變山色高低隨步移。勝槩於人心自慕。招呼到我意先馳。春雲秋雨定佳致。知是多年幾晉詩。

村上冬嶺招予同諸友遊梅畑見梅花

久聞北嶺梅花好。終日經過雨霽時。籬落溪邊三四樹。林垌山外百千枝。雖然屈子曾忘賦。幸得何郎始入詩。爲約明年各同健。重來復此把吟卮。

上右少辨藤公閣下

南家儒業委塵埃。忽看郎君獨蓄材。天下無虞緣道術。朝廷有慶是人才。管神廟外將枯艸。平野祠前未放梅。猛省一番還著力。莫隨流俗徒徘徊。

喜大醫村上冬嶺退居菟裘

四休居士老還健。嗜學耽書未得閒。百煉功成詩萬
首。一身計足屋三間。蒙恩出入省中闈。乞暇登臨城
外山。尚藥傳宣頻有效。太醫院裏押崇班。

淀河舟中口號

一棹長迴十里陂。去時正好似來時。沙頭水淺舟行
澀。山外天低鳥度遲。初作遲醉裏題詩數。回首睡餘鼓
櫂自支頤。斯間定識小兒女。日日望歸應計期。

余父子及某某會飲大醫長岡老人宅翌午賦
詩奉簡

李杲老人家素富。書來招我意相欽。徵明遺墨字猶
潤。宣德佳窰色自沈。兼味幸非緣市近。縱談知是為
情深。三三徑裏松長古。應擬稱他老鶴心。

鷹峰和蕉窻主人韻

山中曾築小茅亭。松檜繞山箐繞庭。花萼未知何日
白。莓苔猶駐去年青。荒邨有路沙為徑。幽戶無門巖
作扃。四面峰巒詩料足。酒杯莫做暫時停。

奉陪藤拾遺韶遊本誓寺

寺住洛陽河水隈。滿園脩竹滿庭苔。池邊艸腐為螢
去。巖上松高待鶴來。頭黑能詩劉禹錫。鬢斑好易李

之才曾陪公子霑餘瀝。是日蒼顏得一開。唐劉禹錫為太子賓

客時公新除東宮學士故以此

新年作

天上璿璣轉玉衡。新年風物一時生。唐虞日月猶堪見。洙泗文章還自明。艸木不看今古色。煙霞何隔夏夷情。曉江漁父把竿久。閒坐磯頭誦太平。

新竹

雨溼新篁解籜時。柔條細葉和煙垂。牆陰斜出穿苔破。屋後高抽入樹滋。他日誰供釣鼈具。唯今未見化龍枝。幾年伐得琅玕翠。徧寫武公淇澳詩。

五月念七與諸友會飲那波氏矢坂別業北村可昌先至有詩因次其韻

十畝名園松竹裏。重尋文字舊佳盟。暑風陣陣寒還熱。靈雨綿綿陰復晴。仙骨自殊凡子骨。詩情不似世間情。別離三日須刮目。要改吾鄉月旦評。

蕉窗主人見招次韻主人呈客

買田京洛東南地。終日看山高揭簾。卻喜淒風搖竹戶。不愁微雨朽茅檐。鳴鳩還入鵲巢宿。戲蝶免被蛛網黏。招客欲張文字陣。自羞不挾一刀銛。

次掘蘭臯丈人見呈諸友詩韻

陪醺曾從高客後。泥乾不用更寒裳。談中詩就詞愈巧。醉後茶清興益長。旭日乍收千嶂雨。春風自惹百花香。擬次瑰韻都忘字。欲倩深朝顧野王。

遊寶性院

久聞清水僧房好。幸有主人招我呼。何意偶來遊寶地。斯身疑是坐方壺。雲生山腹交濃淡。霧罩林巔或有無。詩料有餘材料少。暫時燃斷白髭鬚。

詠菊花

和靖梅花茂叔蓮。從來左祖是陶淵。清芬自溢三三徑。幽賞先期九九天。唯有雞冠堪待伴。更無桃李競

嬋娟。仙葩那藉文人筆。遺世高情口口傳。

又

嗜好由來易成癖。晨培夕溉日營營。金刀剪落舊枝葉。勁竹扶持新細莖。編席護霜身已倦。抱甕澆水意初平。淵明偶愛籬邊菊。枉被後人呼姓名。

醫官水野慶雲將之武城伊藤坦菴和村上冬嶺席上韻見錢予亦次其韻

才調如君豈多得。離亭話別坐更深。人間爭索數行字。友誼端知一片心。處世還如璞蘊玉。摘詞自似范鎔金。若逢感慨悲歌士。道我抱書朝暮吟。

八月十五夜會緒方宗哲宅入夜頑雲卷舒陰晴難測

偏怪今宵會斯地。幾年賞月惱吟身。乍陰乍霽雲千片。時出時藏玉一輪。定識漢宮新度曲。不看合浦既還蠙。家家招客滿樽酒。見得天公未負人。

題昇仙石研山

甲戌仲冬

一片研山勢州出。寄來圖畫乞題詩。卻羞鄙句汚尤物。幸有妙詞形玉姿。麗質休誇靈壁秀。綺紋欲壓太湖奇。風流徒愛天然趣。不為等閒翫好資。

遊清閒寺拜

高倉院陵

前日中興

高倉聖主遺蹤在。墓古清閒山寺中。竹樹成林影陰翳。松杉夾路綠菁蔥。天威惴惴如將覆。王氣綿綿猶未終。傳得當年優恤詔。暫留陵下認紅楓。

八月十五夜會蕉窻子宅翫月

亥

比羊頻值中秋晴。今夜又看玉兔明。銀漢彩消星斗遠。海濤聲怒鱷鱗驚。人間初識久無益。詩客復知樂有羸。望七老翁誇自謂。一宵占得百年生。

夏日三品藤公座上得花字

步屣來訪公子家。邨園猶未事桑麻。盤堆庖氏新裁鱠。鼎滌佳人手摘芽。綴句有如筒裏鼠。揮毫豈似艸

中蛇天工聊為畱春住綠樹陰前落後花

題耕雲菴

莫負耕雲園裏遊。羲農世遠不容求。池邊水淺應窺
髮。窗外山低不礙眸。松鎖艸玄揚子宅。竹藏作賦仲
宣樓。人間樂事總相併。斯地能堪老可投。

掘蘭阜攜諸友飲耕雲菴漫題

丁亥九月廿三日

室內塵堆兀兀然。瘦筇聊此一蹠躔。千峰雨入園林
淨。數道泉侵沙岍。遷枝癢不爬空。自忍途窮未止
應憐。世間毀譽蚊過耳。尼父從來不怨天。

八月十五夜會緒方宗哲宅翫月 壬申

月滿長安十萬戶。笙歌樽酒共歡情。一宵足償他時
恨。百歲能逢幾度晴。欲下雞毛肘先掣。欲除鷄膝口
生荊。人間今幸遭年熟。天上桂花結子成。

水口口號

七里之郭三里城。昔年誰是費經營。街衢劬午苦難
記。風雨怒號覺易驚。市店盤盛梨與栗。士人家植菊
兼櫻。肩摩轂擊庶還富。他日何人加教成。

勉翠窩次主人韻

丁丑正月十七日

對松開牖松為屋。晚翠窩高間聲夏寒。不見白丁窺靜
戶。卻教黃雀宿幽欄。多年雖欠劉伶樂。今日能併王

勃難綠樹嶙峋山突兀。何時重共揭簾看。

賀大醫長岡君七表

菊堂先生年七十。眼明能讀百家編。且教跛蹙填門外。又有兒孫羅膝前。齒德須為天下老。康強自是地中仙。長生久視君家事。多卻文通袖壽篇。

遊一乘寺

丁丑九月三日

秋色蒼茫上翠微。雲交老樹雁初飛。山園柿熟烏啼去。溪澗蕈稠人負歸。市遠不看塵漠漠。林深只見霧霏霏。欲尋他日棲身處。比叡山前野水磯。

題嗟峨二尊院

丁丑

雙阜正西一里許。小倉舊寺認遺蹤。先朝冠蓋松楸下。何代英雄野土中。陰壁畫殘粉將滅。斷碑字蝕意難通。微霜昨夜山新染。勝似春風面色紅。

輓那波祐英

連袂共茵三十載。風流誰得與相當。卷中月積詩千首。曆子時題紙幾張。松柏忽推元有數。蕙蘭既歿尚畱香。生前毀譽俱難定。卻喜君名久後芳。

遊一乘寺詩仙堂

丁丑卯閏九月十九日

尋到北山幽邃陞。瘦筇聊似與秋期。滿林柿葉經霜後。半嶺松楸過雨時。嘗恨虹霓無處吐。既知冠冕不

相宜。況今老去風流盡。莫笑囊中詩不奇。

市原道中作

早起先過賀茂川。初看旭日在桑巔。雞腸葉短還含露。牛孺枝低尚帶煙。鳥病弱枝翹上下。蟻尋舊穴故周旋。山僧幸使逐人到。直到補陀落寺前。

和平井春澤韻

盛筵夏為菊花開。雙腳蹒跚躡綠苔。新事特從佳客舉。詩情已自主人催。益公廚內蔥絲巧。季重盤中果堆自許堯夫堪。小飲一杯醺了到三杯。

寄題與津氏待儔軒

曾築幽軒名待儔。後回見許上堂遊。孟嘉不厭雜賓到。元裕還嫌歌妓留。臨水望山長自坐。轉花移樹不知休。滿庭詩景四時共。為約霜楓如錦秋。

送自隱師還武

留止京師秋已夏。離亭相顧更慇懃。首翹重疊士峰雪。眼入飄揚比戲雲。別後心情一封字。客中風月幾箱文。公侯第宅笙歌沸。須坐閒窻讀典墳。

桐壺牡丹者。後西院上皇御苑中所產。花瓣甚大。徑如斗許。冰清玉潤。皎潔異常。所未嘗有。雖諸王大臣家皆不允賜。去歲太上皇特宣。

賜 輪王寺宮一品法親王。可謂光榮特異也。

恭奉 令旨。謹獻近體詩四韻一章云。癸未正月

上苑名花第一品。承聞近屬竹園春。仙粧本是西河種。素艷已非南國倫。從前不許尋常見。今日還知特地新。最好夜深月明處。須邀他具眼高人。

三月三日有感

紛紛世態飽經歷。何意今朝忽愕然。臘去歲來如昨日。春過秋至又明年。雞人不得私添漏。日御何為頻著鞭。適值桃花好時節。轉頭已見夕陽懸。

題廣濟院庭松 寶永甲申

霜皮剝落老龍姿。虬髮鬚髯四出枝。夜夜月從梢上過。颺颺風向葉間吹。鄭虔庭上那嫌少。陶潛徑中尤見奇。合在遙遙岑蔚裏。奚為煩要世人詩。

古學先生詩集卷之一終

[Faint bleed-through text from the reverse side of the page]

古學先生詩集卷之二

于長胤 編輯

五言絕句

偶成

今日復明日。日日萬古同。長看洛川水。悠悠流向東。

讀經

和壁非真寶。千年名獨傳。誰言秦得火。六籍其儼然。

詠庭前松

庭前一松樹。漸漸欲上天。秋來月明夜。孤影獨自憐。

北野即事

城西春尚殘。徙倚又盤桓。暮鼓莫相報。推敲字未安。

蓮池

長夏日初作別無事穿苔作小池。新荷漸出水似看發。

花時

即事

翠楊垂著水。風吹水揚揚。卻恐波上月。蕩漾亂清光。

古學先生詩集卷之二

七言絕句

遊八坂

莫逆同遊三五輩。攜樽來上野亭坡。世間安得謫仙筆。把此山川裁入詩。

菊

黃土牆邊婉婉姿。露香映日最清奇。幽葩長伴南山興。正是淵明未出時。

即景

沈沈齋院靜無聲。壓盡檐筠一向傾。吟夢不知前夜雪。起來先怪曉窗明。

梅花二首

陳師道老益清貧。林處士癯終隱倫。冷淡我應相比。未從來題品盡詩人。

誰繼孤山香影聯。清芬一段欠天然。平生久要林和靖。今日為君夏絕絃。

遊黑谷禪房

春服初成輕四肢。唯嫌吟屨問芳遲。騷人恨殺招提壁。未有新題一首詩。

杜鵑

千載悠悠古帝魂。聲聲啼血泪成痕。唯今杜宇休歸。

去城郭人民兩不存。

夜臥

布衾木枕竹方牀。寂寞虛堂夏自長。為約南園清夜夢。途中莫錯向高唐。

金鈴菊

黃白術成仙子家。爐一作爐頭鍊罷自無瑕。滿籬藏得終何用。鑄出金鈴作此花。

訪戴圖

雪霽山空月正圓。輕輪短棹思無邊。詩家踏襲都初渾添語。未識去來俱初作是偶然。

盆竹

小竹扶疎欲活難。攜刀手自洗琅玕。渭川千畝如荆棘。贏得瓦盆三兩竿。

西園藤丞相園梅花

池臺春色向熹微。疎影淺涵映客衣。唯有南園小胡蝶。依依終日繞枝飛。

北野即事

北野祠前千樹梅。殘葩寂寞颺風開。月明未上林塘靜。空逐暗香過野臺。

菊亭相公座上賦得嶺月

修篁叢桂屋山頂。遮卻前峰月上時。凭檻同看半溪水。微風吹起碧瑠璃。

會伊藤宗恕緒方元真飲銅駝店

水亭竹檻小高樓。臥聽灘聲傍耳流。忘却黃昏歸路黑。不妨一笑爲詩留。

送長谷川宗寅以疾還鄉

身病易醫心病難。莫將身累曠心官。身心受用君知否。心得平時身即安。

春日作

黃鸝裊裊上枝囀。芳艸悠悠還自生。情思百般都似

水春城聽雨送殘夏

梅

荒徑嘗栽梅二本。一株淡白一株紅。明知開落元常事。何恨前邨幾陣風。

雨中庭前白躑躅花盛開

躑躅花開雪正漫。叢間恰似駐春殘。枝頭承雨淨如洗。更要攜樽月下看。

偶成

花紅月白兩鮮明。看月翫一作愛花坐幾更。笑殺人遭花月惱。紅花白月本無情。

和古梅韻

一樹梅開雪未融。般般興味莫相空。清樽夜月堪同賞。恨殺前邨陣陣風。

即興

疎松翠竹冷秋堂。湯沸火爐茶氣香。門徑蕭條少人到。一作過時看大學兩三章。

鄰家鶴聲尤可哀。遂感作

老鶴聲聲鳴向人。樊籠長閉獨逡巡。可憐空作稻梁計。誤被網羅絆此身。

無極吟

木末無極吟

本未曾生豈又死。悠悠蓋壞其吾一作斯身。有人若問斯心妙。無極一圖是箇真。

讀大學

大學經傳補定後。孔曾面目似開圖。儻知自性即明命。浩浩典墳一字無。

閒居口號

世事從來做得難。仕門多見誤儒冠。終日柴荆人不到。梅花籬落北風寒。

讀易

一春過了。復逢春。三十六宮箇箇新。須識先師韋絕。

後別一作自無妙處。夏一作別傳人。

偶懷

多病年來不讀書。卻於心地著功夫。洽聞博物非難事。空慙存誠是大儒。

克己

克己由來難轉難。庶幾精進勿盤桓。分明斷箇病根盡。湛湛靈府始得安。

雪夜

朔風吹雪打蓬初作寒。窻竹外蕭蕭聽夏濃。料識明朝深尺許。空齋一夜臥如弓。

立夏

都城隨例脫春衣。今日探花人自稀。休謂春歸行樂盡。四時有興莫相違。

中秋

輕煙薄靄共參差。那事今宵隔桂花。想得去年天上月。清光遍照小民家。

正月

斯理精微夏潔清。鳶飛魚躍本無聲。忽然會得至誠妙。霽月光風隨處明。

夏日

黃梅時節濛濛雨。情意不堪懶欲加。盡日閉門無事坐。牆陰開遍石榴花。

詠雞冠花

花似雞人絳幘優。魁來看去夏淹留。等閒開盡秋風裏。不為君王報曉籌。

謝人惠楊梅

楊家名果一時誇。滿器寄來野老家。風味方知愈肺病。不須勾漏取丹沙。

元日 一作庚子歲

平日漫然作計疎。歲荒囊盡奈頭顱。莫將飢渴為心

害身世兩忘是丈夫

遊田村高政後園看牡丹

聞道雒陽姚魏家。黃雲紫萼昔時誇。風流豈落他人後。白白紅紅無數花。

九日

方園曲徑獨徘徊。偏恨黃花猶未開。禍福由來總有命。不須辛苦上崔嵬。

題齋壁

月沒日升日日新。但觀昭昭遠埃塵。勸君去欲復天理。大市裏生箇聖人。

庭夕立二首

按夏月暴雨此云夕立

無奈雲蒸熱夏多。覆盆雷雨乍滂沱。微吟未已涼風至。時看石榴三四花。

雨覆瓦盆涼氣濃。滿庭風露艸茸茸。須臾雲斂殘陽出。畱得東牆半壁紅。

夏夜河邊翫月

門外泠泠洛水流。銀蟾光似荻花秋。唯今飛蓋橋邊月。還有舊時永叔不。

中元夜觀燈

燭籠高架插長竿。門巷寂寥蠟炬殘。一盞小燈萬行

淚遊人誤作舊時看

冬夜見月

霜白小園木葉乾。中庭仰見月團圓。霧帷雲幕都收盡。奈此人間數夜寒。

正月二日大雪

飛若柳花亂若絲。滿園春卉共平夷。從來憂國書生事。空誦杜陵人日詩。

即事

東初作春風吹冷入窗紗。寂寞生涯野老家。薄暮春天還欲雨。急開門戶看梅花。

東山遇雨

花下恩恩去欲還。暫時避雨到禪關。溟濛春色長廊裏。望盡西南數里山。

仁和寺翫花

偶訪殘櫻歸去遲。春風費我惜春詩。看花足識人情薄。愛著新枝惡舊枝。

賀茂即事

綠上橫塘移步遲。青林行過傍漣漪。興來不用勞心思。滿目風光滿目詩。

同日歸途作

竹筇和醉歸程。翹前唱後酬。幾嘗詩。城市家家總燈火。始知野外夕陽遲。

寄太宰道室

與君久別最須慨。學殖荒蕪。硯欲塵。莫怪躊躇歸去。翹洛陽。詎若故鄉春。

快菴先生宅牡丹盛開用先生韻

花木成蹊。占得春。叢間又見牡丹新。誰知世上繁華外。一種風流別有人。

田付常堅翁宅看牡丹

曾藝牡丹竹作欄。淺紅粉白玉珊珊。春風三月芳園

裏。招客攜樽隨意看。

平野卽事和宗節生韻

平野祠前一水流。枯藤來卜竹林幽。綠陰滿眼好風景。恰似青山供我求。

紫藤花

誰引紫藤上行來。架頭如織巧周迴。花房直下垂三尺。何似蔓延自在開。

題陶淵明圖

乃祖剛梁督八州。柴桑宅裏舊風流。醉吟本要愁消遣。誰識先生有大憂。

古學先生詩集 卷之三 十一 古義堂藏
題雙林寺

雙林地僻氣稜稜。蘿徑幽巖曾一登。卻笑愛山已成癖。山中疊石作峻嶒。

即事

夏木作帷秋氣濃。月華高掛小橋東。新鐘近報夜岑寂。似在廬山杳靄中。

又

青山簇簇對柴門。藍水溶溶遠發源。數盡歸鴉人獨立。一川風月自黃昏。

送田中信菴之武城

去年相識恨相遲。今日恩恩告別離。此去他時增努力。寒鄉僻邑有餘師。

扇面畫龍

誰來瘦面畫龍兒。太似僧繇筆意奇。光掣雲頭眼睛動。定知靈物欲飛時。

即景

野桃夾岫自交加。三月春寒未著花。漁郎不識仙源路。還似山間百姓家。

宇治舟中作

勝境由來易發嗟。曾聞此地滿園花。故宮舊殿無尋

處處人家皆種茶

梅

疎籬壞壁古城隈。夢覺幽香天外來。今夕何人夜淡
起清樽月下獨看梅。

雨中

延寶丁巳春

正是春風浩蕩初。輕寒釀雨意疎疎。講帷徹去門無
客。欲了故人千請書。

夢

俗士誤欣做狗頓。儒生未必見周公。可憐世上癡兒
子。長使一生在此中。

二月初間訪小河吉康

北野祠前野水隈。三間茅屋數株梅。主人折簡常招
我。今歲能初作為幾往來。

從武田翁之招仁和寺翫花

千樹櫻花千樹松。如雲如雪綠重重。徑從仁和寺前
過。人在軟紅香霧中。

庭前白躑躅花盛開依賦一絕

延寶丁巳夏

昨夜恆星隱不見。化為碧萼倚欄干。今朝忽見瓊瑤
色。猶著光芒爛爛寒。

初夏作

同前

亭下芳洲杜若花。竹欄橫截翠交加。還嫌舊種無奇態。夏乞新苗栽水涯。按杜若水艸紫花似蚊蝶花或云即燕子花本國從稱杜若

觀紙鳶

截紙作鳶觀亦奇。閒遊忘倦眾癡兒。大家多有樹千尺。莫向天風縱弱絲。

北野卽事

北野祠前梅似雪。東光寺外柳如金。東風自是無多日。纔到春深成綠陰。

次韻荒川景元詠楊妃櫻

昔年姑射降神人。誰錫姓楊爲太真。卻恨嚴郎甚饒

舌風流詠出一枝春

訪友人不遇

一徑紆餘通翠微。落花自掩小柴扉。兒童畱客笑相語。且待主人賒酒歸。

子日

巳下四十一首係堀河百首和歌題按舊俗新歲採稚松日子日松

舊朝盛事餘羊存。昔日勝遊人若雲。樵子近來貪射利。斫松賣與富家門。

霞

色似紅綃染未成。烘烘靄靄暗還明。定知仙子難殮盡。數片和雲日下橫。

若菜

按嫩菘
日若菜

野菜畦蔬未試羹。如何雪壓共齊平。不知郊外春深淺。欲向朝陽到處行。

柳

滿街楊柳儘風流。天到清明綠欲浮。忽被女兒都折盡。和桃挿上玉搔頭。

早蕨

按早蕨。蕨之先生者

柔莖如箸脆堪折。嫩葉成拳屈未舒。始信仲尼似陽虎。形容全是管夷吾。

櫻

日本名花擅古今。一枝何翅價千金。開時須愛落還好。亭榭高巒共可尋。

春雨

清明時節水南邨。曲几焚香獨閉門。啼鳥不來天又雨。滿園芳艸屬黃昏。

春駒

火燒郊原艸似苔。驕嘶上野塘來。丁寧且勿乘春放。馬醉枝頭花正開。

喚子鳥

按喚子鳥。春時候鳥

水雞叫夜猿敲戶。謝豹呼名務自鳴。須識春山最淡

處有幽禽似喚人聲

堇菜

堇菜開數小紫花。芳莖裊露亂參差。纖纖玉手羞人見。傾筐獨歸阿母家。

杜若花

按杜若注于前

嘉種遠來從八橋。綠莖紫萼見清標。不堪移作人家翫。合向芳洲伴寂寥。

欵冬花

按棣棠花謂欵冬

閒來披百花圖。讀源氏成書未免差。形狀芳時渾相合。欵冬知是棣棠花。

三月盡

又值今年三月盡。惜春情屬嗜詩家。卻嫌人意生分別。猶有山櫻落後花。

夏衣

按四月始御夏衣。袂衣曰夏衣。

櫻色紅衣自覺馨。美人愛著立鈴竝。今朝猶惜頓收去。呼取雙成繫玉屏。

卯花

按卯花。灌木。四月開白花。

此花有意殿春風。素藥輕葩越樣工。不識閒庭月明上。卻疑身在水晶宮。

菖蒲

按菖蒲。水菖蒲也。

九節靈根氣象雄。浪春雨滌綠蔥蔥。卻疑四海承平久。拔去寶刀捐澤中。

北照射

按明火而獵曰照射

皮鞞布襪木綿裘。然葦營弓立小丘。麋鹿不知明是火。相呼相喚共呦呦。

五月雨

梅雨街頭水漫流。開門風氣似深秋。南鄰北舍人行絕。自拔版橋為小舟。

螢

熒熒如火燭如燐。車胤囊中嘗厄身。好向深叢自藏。

迹世間猶有好奇人

蚊遣火

按蚊煙日蚊遣火

聲似忿兵交。其鬩勢如烏合聚。相雄不須金鼓。陷蚊陣一束桑柴是火攻。

蓮

忽見紅衣映綠帷。藕花無數吐花時。若耶溪上如雲女。折去明朝欲贈誰。

冰室

國栖腹赤貢俱罷。唯有斬冰存舊儀。始識凌陰藏得密。暫時消卻作浮澌。

荒和秋 秋正作被 按夏 季禊事之名

家家脩禊出河澗。一歲光陰半盡時。豈是鬼神初在
外。自家心事自家知。

萩 按萩 州名 叢生 秋 開紫花 如豆花

宮城野畔鹿鳴時。聞說斯花已滿枝。忽見秋風吹渭
動。遙思今夜總離披。

女郎花 按女郎花 野州花 黃

佳人尋到賴風家。河帶盟寒投水涯。化作男山山下
艸。幽菟長託女郎花。

薄 按薄 謂 茂也

郊原十里尾花開。自弄輕柔幾自迴。偃訝楮余當日
曝。狂疑波浪動山來。

苜蓿 按苜蓿 亦野州

野叢挾路亂相撐。唯有苜蓿嘗識名。山雨溪風幾辛
苦。誰人無戀范生情。

蘭

卓家老婿生嬌態。脫卻貧時舊弊裳。化作閒花泣含
露。依稀昔日紫禪襠。

駒迎 按王朝古者八月牧監獻 馬使逐之是謂駒迎

信州是日獻良馬。中使為迎逢阪關。不辨龍蹄和凡

足只將毛色入天閑

月

九天風露冷於水。月色當空磨玉輪。想得今宵廣寒殿。夜長應有獨眠人。

千鳥 按千鳥水鳥小而成群

須磨浦口月如霜。千鳥飛飛聲更忙。半夜潮頭大於屋。不知何處又翱翔。

水鳥

鷓鴣雙雙飛。又回啾啾聲。似訴悲哀素灘凍。合兼葭盡猶戀舊棲。依呀隈。

網代

按織葦捕魚日網代即魚簞之類

宇治河邊水落初。漫施網代杙頭疎。魴鱒不入筭。口只得浮陽撥刺魚。

神樂

按奏神之樂謂神樂

巫覡曳鈴工奏笙。滿天霜月曉明明。三台八座從班立。唱出韓神第一聲。

鷹狩

玉爪金眸氣象豪。雲間一搏萬人號。朔風吹雪山河漫。失卻前驅白錦毛。

炭竈

古學先生詩集 卷之二 十一 古詩

雪滿大原山谷隈。築窰處處鑿雲開。翠煙一帶峰頭上。知是樵人燒炭來。

五八埋火

按爐中，荷火謂埋火。

橫山白炭色如銀。爐底終宵暖似春。乘興山陰吾不與。三盃濁酒自忘貧。

野

昔人此地撰蟲來。小藏山邊廣澤隈。不見衣冠遊樂處。只逢野老荷鋤回。

關

函谷關高牢似鐵。兩山相對屹崔嵬。祖龍未到沙丘

日豈識劉郎入得來

無常

無常本是不無常。識得無常反是常。春艸萋萋秋艸
歿。何人免得土中藏。

祝

按祝者頌禱之謂

神皇正統億萬歲。一姓相傳日月光。市井小臣嘗竊
祝。願教文教勝虞唐。

次韻鰲雲禪師見寄

男兒當有氣衝天。口裏勿論儒與禪。識得聖人含弘
處。反伯子是真賢。

陪柳原藤公賞早櫻

春到風流公子家。山櫻初放數枝花。萬紅千紫簇如錦。未若嫩條和雨斜。

太府卿清公座上賦新樹勝花

疎槐細柳蔭高堂。忽放清陰護夕陽。李白桃紅皆俗態。那如雨洗綠蒼蒼。

陪太府卿清公筵分題得螢

庭叢淡處熒熒見。梅雨晴時燭燭臻。想汝比來頗無事。世間不見讀書人。

八月十四夜太府清公座上賦對月

今宵桂影欲圓時。雨歇煙收興亦奇。莫道中秋阻一夜。把卮對月是佳期。

遊高雄山

猩血鮫綃錦樣紅。峰巒回合梵王宮。無人收拾好風景。滿眼霜楓落日中。

中郎宗次座上詠杜鵑菊

一榦分開數樣奇。淡紅淡白共相宜。秋風枝上斑斑色。疑是杜鵑淚盡時。

喜叔舅玄祥自武城歸移宅

本是吟壇第一宗。堪歡身健蒙恩容。腰間未解陶令

印跡對柴桑舊日松

十一月念七夜大雪

夜景沈沈凜朔風。兒童驚報雪連空。寒來重臥懶晨起也。到明朝日射窗。

陪清公筵賦苦寒

臥似角弓彎。自橫曉窗夢斷。覺衾輕。石爐火燼樽無。酒聽得街頭賣炭聲。

寄題白雲窩二首

疊巘修林溪水隈。幽人臥處絕囂埃。四明山下誰為伴。只有白雲長作堆。

住來幾歲隔浮塵

初作塵

禁何故築窩名白雲。終日山中眠熟未平生。誰共坐論文。

壺井一安後園藤花

花似冕旒穿紫纓。依松架竹巧縱橫。不知藤蔓長多少。繫著春風不許行。

芙蓉

秋後芙蓉花半傷。美人憔悴倚斜陽。可憐歲月蹉跎過。不耐寒庭一夜霜。

公子行

春日尋花獨出城。銀鞍穩坐佩珂鳴。不憂細雨霏珠

翠閒著金鞵信馬行

題松竹梅圖

梅癯竹秀松長老。不倚喬巖不倚牆。疑是江南間曠地。清風香起月蒼蒼。

園城寺湖樓翫月

秋風乍滿帝州東。暮色蒼然燿水空。臨岍危樓三百尺。俯看新月出湖中。

卽事

北山屹立水南流。兩岍人家處處樓。思在九衢人定後。長風吹送一川秋。

偶作

孰人巍巍孔孟門。方知天外有真源。弱冠好道頗辛苦。留得袖間血淚痕。

冬日卽事

南北諸峰鹽絮收。欄干倚遍放吟眸。請君六月火雲熾。記取斯時登此樓。

春夜寒甚獨坐無伴喜光任養元二生來

獨坐空齋欲暮天。喜聞門外乍蹙然。一宵清話無多事。爲說滄洲小學篇。

杏梅見范氏譜審其形狀今所云越中梅卽是

洛陽豪貴好果木者莫不迎我焉。余家亦有一
本。二月末花始盛開。氣韻殊優。仍以一枝贈養
白老兄云。

荒園作主學逋仙。折得暗當作清香風外傳。莫謂此君
見機。翹開花還在杏花前。

七夕作

千古傳聞多謔妄。家家乞巧似兒童。有人拾得支磯
石。知是天孫廢女紅。

病中讀書

身病易除心病難。放開看了儘平安。休將意解殺經

義跳出手中珠走盤。

春日與宗哲話

寒雨欲來日乍曛。白雲洩洩半藏山。從容閒坐閒亭
上。長對閒人終日閒。

春日

雲微雪盡意悠悠。添得門前一道流。向暖風光如許
好。觀山終日坐樓頭。

即興

白櫻初放兩三枝。二月春寒更覺遲。花下從今吟幾
句。多情還在未開時。

春寒

茅屋俯臨小石灘。一番風動動輕寒。朝來賴是身無事。不用結欄護牡丹。

卽事

雲微月白近高秋。第一橋南洛水流。誰家玉笛夜岑寂。何不併吹到上頭。

泛湖

空水澄鮮湖面平。輕舟柔櫓遶江城。京華歸日欲先語。薄暮疎星波底明。

卽興

園林顆顆梅初熟也。著蛙聲喧四鄰。茄子未栽菘菜了。圃丁時自鋤荒畛。

杜鵑

四月空山聲始悲。美人枕上夢先知。曉來何處情尤切。雨歇雲間月霽時。

卽事

石榴花謝稍成實。半帶殷紅簷下垂。佳人從此多愁思。正是秋風欲動時。

嵐山觀音堂紅葉

嵐山嶺上紫琳宮。滿眼霜楓火吐紅。大井河流清若

許忽看魚藻錦紋濃

遊梅熟軒

梅熟軒中梅熟時。曾侵梅雨。傷疎籬。定知雪裏花開日。粉瘦瓊寒。更自一作奇

題水仙花圖

水仙不是水中花。芳畹荒畦處士家。捉月凌波本虛語。水仙不是水中花。

圍爐

何人斫倒玉嶙峋。巨竈爐消白似銀。雖然和暖如穿纈。不見紅爐點雪人。

八月十五夜。陪日野藤公翫月。賦得南樓見月。本是詞壇大雅門。今宵宴集遺風存。羣賢佳作皆堪誦。月滿南樓酒滿樽。

早梅

衆卉彫零歲律窮。眼看曦馭去。怱怱儼然唯有梅花。在一段精神冰雪中。

歲勉書懷

白髮悠悠值歲除。欲將朱墨樂殘軀。無緣叫得古人起。剪盡寒燈檢舊書。

初春雜興

春入園林雪未融。先看艸木動東風。月明既上梅初綻。幸值樽中酒不空。

春雨

如煙如霧雨霏霏。不暖不寒風力微。屢屢添香無火候。笑看兒拾墜紅歸。

鄰家有紅梅數株花盛開

春到鄰家梅綻時。東風送雨溼胭脂。不妨短短荒園壁。為我開花放數枝。

春夜雨

東風吹雨靜無聲。拂拂霏霏到幾更。定識梅花飛作

片。詩情從此屬山櫻。

乞柳枝

松村昌菴園中有楊柳一株。枝條低垂。嫋嫋裊裊。甚可愛焉。昌菴愛惜之。不允人折去。乃云。欲索一枝者。呈一詩來。因賦此。以乞數枝云。

芳園翠柳特奇奇。縷軟縵纖十丈垂。陶令門前春寂寂。折來分我兩三枝。

春月

以下二首。日野藤公奉納北野宮詩題。

朦朦靄靄又蒼蒼。煙罩雲微淡桂光。疑是廣寒宮裏

宴。姪。娥。著。穀。凝。春。糝。

春祝

正對陽春和暖風。蔥蔥佳氣八區中。願教四序俱如此。千載長看玉燭濃。

梅雨晴

槐天數日掩幽窗。啼鳥音稀雨意濃。忽有微風顛鳥帽。刺桐花下日烘烘。

秋露

青青百艸亂鬢髻。如玉如珠團未凝。只怕寒庭霜結後。朝來池水見堅冰。

秋祝

百歲光陰屬太平。磬磬不聽動權聲。願教磁甕醪常滿。月色長如今夜清。

早春作

春來寂寂未聞鶯。釀雪風光京兆城。昨日古人贈我酒。今朝忽會動詩情。

謝人惠唐紙

梅花忽放一枝好。題著新詩語亦奇。賴有人遺剡藤滑。行間寫遍墨淋漓。

江湖春水連

已下二首。日野藤公奉納北野宮和歌題。

岷峨雪盡色蒼蒼。浪勢拍天迷眺望。唯有君山獨遮眼。湖南湖北水茫茫。

蔽

春山初著小兒拳。遠自昔陽山下傳。世上更無人喫得。只今誰是伯夷賢。

夏夜會廬山寺得觴字

乘涼夜到竹間房。忘却槐天午影長。廬阜清遊真可樂。僧廚只欠一壺觴。

八月十三夜陪

日光法親王翫月賦得長留

一片月應令

仙翁乘鶴上蒼穹。洞口秋荒冷桂窗。夜夜長留雲裏月。碧欄干外一株松。

重陽後菊始開

曉來籬下吐秋芳。欲對南山把一觴。莫問節前兼節後。菊花開處即重陽。

題源義經像

乘旄嘗上淮陰壇。拉朽摧枯最足觀。克敵能工護身拙。鶴鶴原上曉風寒。

題播州士人別業障子江上秋月圖

昔日潯陽江上秋。琵琶聲裏碧雲愁。誰知今夜播陽

月小艇獨撐蘆荻洲

新荷

一莖貼浪一莖植。荷葉田田出水時。從是鴛鴦來日。日幾迴。刷翅浴連漪。

春寒

春寒惻惻坐深夏。六曲屏風二尺檠。雪苦風凄半宵。夢自緣不有探花情。

題梅花圖

雪淡湖上獨家邨。招得梅花枝上魂。驛使近來音信斷。一樽看到月黃昏。

舟木居士肖像贊

舟木居士。姓山本。名春正。師長嘯翁。以和歌。鳴於時。寬永以後。至天和中。師承者甚多。延及琉球國。土人知作和歌者。亦稟其模楷。間或有賦百首和歌。乞竄定者。亦奇事矣。元祿七年甲戌。秋七月。因居士仲男通春之求。題其肖像云。獨步當年長嘯子。嘗將木鉢特傳君。可憐唐老投瓢後。藉藉風雲暫得聞。

戲題

時患眼不能書。字州州漫題。

萬般虛飾皆為偽。一種風流元自醇。味到澹然無味處。許君正是認真人。

春日郊行

洛陽郊外多佳寺。到處櫻花簇若雲。只恐明朝風雨惡。一齊併作雪紛紛。

盆中種荷花未著花田田可愛

曾貯瓦甕栽藕根。抽莖展葉雨中翻。不須更問開花否。又待明年長子孫。

元日作

好惜千金停築臺。西山終日入窻來。鄰翁休怪春光

早。簷外寒梅昨夜開。

長岡丈人後園紅梅盛開。綺麗可翫。

丙子二月廿五日

不是杏花還不桃。風流別是井中豪。莫言雨後臙脂淡。奪得朝霞一片高。

中秋宗哲席上賦得秋晴

稻稈初作田已熟。又逢晴。邨巷家家說太平。菜圃芽萌

青點點。芋區葉暗綠盈盈。

次美馬善平老丈謝贈花韻

美馬君善平。以儒學仕于阿波太守。年幾五十矣。篤信好學。孜孜不倦。今茲之春。遠自阿

州來問道於予。予非識道者。矧寡陋謏聞。不能益于人。然交誼日渥。屢相往來。深恨相見。勉乃贈庭花數朵。以慰旅況之閒寂。君乃馳簡呈詩。以見謝意。直思遠情。意懇到。益赧其期待之深。敬步其韻。以謝答。呵呵。夫持己自高。不能下人者。學者之通患。君乃謙已遜辭。不恥下問。如此。亦奇士也。丙子春三月十三日。小園聊寄一枝春。報我瓊琚字字新。風月由來無定主。勉哉從此在君身。

冬夜即事

無求無責一閒人。机上漫書艸又真。呼取蛤蜊對歡伯。夏添爐底小烏銀。

嵯峨歸途

雙屐孤筇曲柄笠。衝泥冒雨去輕輕。老矣吾今尚強健。傍人錯與好奇名。

八月十四夜

天上玉盤圓未成。一盃聊為中秋傾。古今唯有孫明復。斷盡人間是夜情。

丹陽杉原守親。性敏好學。與予有舊。近以書見。

招因挈同友數輩往訪丁丑三月念四

堂後新栽白牡丹。蘇家風味尚如看。主人好學多情致。剪燭慙慙坐夜闌。

因雨留宿杉原氏宅同上

千家山郭倚層巔。旅館蕭蕭雨若煙。三日淹留歸未得。峽中波惡不通船。

牛王靈廟彦山十景

彥岳神祠天下傳。到今香火歲時虔。靈蹤高起三千丈。威驗遙流幾百年。

長谷紅葉同上

東南粧出玉嶙峋。滿谷霜楓紅作茵。安得錦衾豪若此。遍庇凍餒苦寒人。

菊圖

秋容淡淡傍荒坡。薄暮無人載酒過。蕭索一叢真活計。淵明籬下不須多。

芙蓉圖

趙家天子愛芙蓉。嘗向玉堂圖婉容。不著遊蜂與戲蝶。露香輕動立秋風。

竹圖

此君曾伴大夫松。翠袖翩翩無夏冬。卻恐魁來葛陂

上漫隨風雨化癡龍

鷹峰翫花

好花時節易相違。況值春晴最所稀。今日天晴花正好。樓鐘邨鼓莫催歸。

八月十四夜枕流亭翫月

西風吹盡黑貂裘。乘月更登王粲樓。遊賞元雖屬明夜。清光須在是宵秋。

自歎

遊學書生數百輩。隨行逐隊滿京師。衆中元自有豪傑。打破乾坤不可知。

十二月十四日偶題

丙子

天空海闊小茅堂。四序悠悠春色長。笑殺淵明無卓識。北窻何必慕犧皇。

謝竹門法皇子賜觀東坡墨蹟

蘇公墨妙播華夷。初看淋漓七字詩。笑殺蔡家奸父子。漫將焚毀瞞當時。

題壁

有井無田貧亦極。纔支伏臘意悠悠。平生不作蠶眉事。直以百年當一遊。

九月十三夜伏原清公座上分題得池上月

數尺池臺倚小丘。登臨乘月放吟眸。終宵貪見波中影。不覺徘徊過斗牛。

松雪軒

越前小
武氏懇

宋朝宗室元名士。題識相傳佳。

初作

帖中曾築幽軒。

號松雪。知君自有古人風。

那波祐英座上信筆二首

人心若得靜中樂。一日能當千日長。轉首萬般總鬧

熱。勿教好事著枯腸。

春秋萬古互相推。天地本來無變移。不用中山千日酒。了時便是太平時。

漁父圖

兩鬢皤皤霜雪垂。蘆洲水淺吐花時。好將整頓乾坤手。獨向江湖理釣絲。

謝宇都宮由的翁惠烏角巾

頭上斜欹烏角巾。風流未必慕前人。編摩手倦蓬窓下。不厭凄風到我身。

伏原清公席上分題得田家月

一井老髯氣貌同。松醪相邀月明中。劇談戲語無他事。且喜秋成八蜡通。

秋日懷舊

杉平
吉詩

故人一去杳無知。空使兩腮涕泗垂。思舊情懷何處切。秋風吹月入窗時。

一共讀老子。鄒魯題平似衡。口頭只稱伯夷名。五千文字寂無

誦。徒使晉人談夏清。

次韻竹門主宮僚。千種法印螢火。郊原昨夜足新涼。萬點流螢伴夜長。富貴不識讀書

樂。瓊樓乾殺綠紗囊。

遊伏見看桃花。四野桃花伏見邨。風光豈是百桃源。山間元自多岐

路。為恐遊人徒爾煩。

同村上冬嶺翁會于伊藤坦菴翁宅。社中耆舊多淪謝。唯有衰翁與二公。今夜春風樓上

酒。更知濃似舊來濃。

飲菴翁主人宅。向來歲月似奔流。事事相催歸白頭。老去自知入佳

境。一年勝似一年秋。

食豆腐。齒搖一作白脫百難一作食。唯覺食中豆腐優。浩博

淮南鴻烈解。未如斯味厚能柔。

殘春

生平未作百年人。遲暮風光日日新。寧戚未遭堯與舜。一盃濁酒答殘春。

梨花

一株梨雪小齋東。淡淡風光興味濃。薄暮新晴皆可愛。不須和月上屏風。

戲次楊廷秀贈善醫劉惠卿詩

不學脫然曾點狂。卻將詩酒災膏育。童冠春服舞雩下。除卻軒岐真有方。

雪夜讀書

兩股鬢鬚是生涯。目力耽耽夜似魚。卻識孫康眼睛密。雪光不徹讀書廬。

題安宅丈人詩仙堂

山糝黃葉與紅楓。春景不如秋景濃。莫道主人貧到骨。朝朝長對玉屏風。

壬午元旦

龍集壬午三元朝。先就閒研弄紫毫。紙上班班紅點抹。渾收無意自然高。

題扇面畫馬

冀甸野闊艸芃芃。牝牡鬣鬣未成驄。為請孫陽一迴

顧。驪黃不過馬羣空。

題詩箋畫漁父

長把巖頭一釣竿。龐眉白髮暮江寒。只知敲火燒魚飯。勿作齊州男子看。

八九月間園中石榴子殷紅可愛予每視以賞

花戲為

秋園累累石榴垂。駢齒凝丹笑口開。萬紫千紅零落後。不妨畱作百花臺。

題賀茂祠官中大路氏所藏人麻呂石

一拳頑石現神通。不假人間雕琢工。烏帽青衫坐交

膝。宛然柿本大夫公。

一作一拳頑石與神通現出詞壇百世宗者非也

再昌院法印北村季吟八十壽

春來長是對春風。春意自緣春色濃。仙子方中九還藥。可輸一日看花功。

等持院翫楓

尋秋適到古僧房。寺下青楓未著霜。興盡欲歸歸未得。吟髭慄斷倚斜陽。

題小富士石

一片玲瓏富士峰。何時飛入小櫺櫳。休言箇樣如拳大。勢壓嵩恆兼祝融。

寄題圍靜亭

圍靜之亭百所宜。涼風佳月好花時。人間至樂無人識。一淪雲腹數首詩。

喜渡邊元安買宅

金華本出許公門。格致書成術愈尊。若識重尋舊儒學。許君真箇好兒孫。

冬夜作

心事悠悠家計輕。得喪毀譽不關情。夜來初識耳根重。枕上長聞風雨聲。

戲詠柚味曾

按味曾見
鼓之類

江南柚子帶金黃。剝腹稠包淡鼓香。再入胡麻兼栗屑。調和能潤老人腸。
再入潤腸
皆醫書語

春日郊行

櫻楠竹樹遶長堤。北野祠前艸色齊。處處梅花看未盡。逐鶯又過斷橋西。

誓願寺翫紅梅

薦福紅梅天下傳。枝頭繫著幾詩篇。靜聞黃鳥數聲後。倚檻無言和醉眠。

鶯聲誘引來花下

林垆盡處野人家。枝壓梢低遍著花。幸有鶯聲來報

我停輓坐到夕陽斜

題仁和寺僧房

洛陽無處不櫻花。日日尋春不在家。往處先求未到地。歸時必到夕陽斜。

題牽牛花圖

鄰雞唱罷天將曙。忽看牽牛初發時。要識斯花真妙處。曉來推戶傍疎籬。

霞

賀池田翁六表

朝暮天邊爛且烘。如羅如綺映蒼穹。人生願有童顏在。面上長如日下紅。

題孟浩然雪中騎驢圖

騎驢冒雪去翩翩。知是聳肩孟浩然。嘗自坡仙一吟詠。人間長作畫圖傳。

和小出重元元日韻

早執儀經讀到坤。琅函忽到敘寒暄。因思季子為任守。柏酒樽前獨感恩。

雄德山松

八幡八景之一

山色蔥蔥佳氣清。蒼松疊翠護皇城。日邊高映千年色。風外遙傳萬歲聲。

楠判官畫像贊

許謀駢駕漢充國。信義差肩蜀孔明。昔日若遭湯武
主。定知勳業匹阿衡。

甲申中秋夜雨

點檢年年三五夜。雨多晴少每愀然。天工豈沒為人
意。但恨頑雲漫蔽天。

會豐田瑞呈宅次自隱師韻

休問山中與市中。主人元有古人風。初知花竹有和
氣。應是自家意思通。

遊一乘寺

楓紅山紅天又紅。我醉人醉各無窮。幾見春花與秋

葉。年年相變渾成空。

翫鄰家花

幸有鄰人愛樹花。輕葩疎蘂亂參差。笑知春色非吾
有。矯首貪看到日斜。

陪清公翫庭前花

檻前爛熳四三樹。含露風光照眼新。莫恨枝頭尚低
小。後來知領幾回春。

賀小野寺十內

秀和母九十壽庚辰

母氏年高九十強。無憂無病又無傷。老萊孝思誰能
識。膝下猶呼爲小郎。

題岡部東菴所藏雙鶴圖

松下來留老雙鶴。一鳴一啄共蕭蕭。明朝何處白雲上。遙擊仙翎摩碧霄。

樹菊

橫倒欹斜儘自由。不須添竹縛枝頭。一樽獨對東籬下。太似陶家園裏秋。

讀唐子西古硯銘

無才有壽是虛生。顏子何人千載名。為問先生題硯意。漫將壽夭費言評。

讀北山移文

晉代風流世道喪。毀冠裂冕自佯狂。君臣有義海鹽令。卻笑移文孔德璋。


先子學術早勉不同。文集中既竊判其異同。其著於篇詠者亦然。無極吟讀大學等諸詩。與勉年之趣大不同矣。一覽犁然。不待復識別。但賦和歌題者。或與漢語異。故附拙解。加一按字。以別元註云。長胤謹識。

古學先生詩集卷之二終

書先君子全集後

先君子夙潛心聖猷抱遺經以倡後進遇有所
 得命之於辭尋常干請文字多辭而不作不得
 已時或為之年紀既久積稍成篇然不復自收
 拾任其散逸予幼而未及知也既長而搜之于
 門生故舊之間字畫差誤編錄不完先友小河
 承意善楷書多瞻奇書聞人藏先子舊文多方
 購求不得不措遂聚得一鉅冊時先子齒既耆
 矣予就而借寫雨後遇有著作陸續登載副目

詩集比歲校刊遺書畧償夙志曰將刻全集文集舊三卷詩一卷今分為八卷各以類相從其學術早晚之異妄附管見于後其餘易解讀近思錄鈔等未成書者有三數冊尚俟續刻頃者梓事告竣回叙編校之由示後葉云




享保二年丁酉二月穀旦子長胤謹跋

四方購求之人須

認此印為記若無

印者皆係偽刻



享保丁酉新刊

京兆

奎文館發行

